

17. november 2022

UKA2022/83

Innuttaasut tarnimikkut napparsimasut innuttaasut akornanni inooqataaqqilertarnerannut annertusaanissaq anguniarlugu tarnikkut nappaatilinnut immikkoortortaqqarfik aammalu pinerluttunik isumaginittuqqarfimmi sulisut ilinniakkamik qaffassaqqiffigisinnaasaannik immikkut suliaqarnissaq siunertaralugu Naalackersuisut sukkanerpaamik Rigsmyndighed-mut attaveqarnissaat pillugu Inatsisartut aalajangiiffigisassaattut siunnersuut.

(Inatsisartunut Ilaasortaq Anna Wangenheim, Demokraatit)

Aalajangiiffissatut siunnersuuteqartumut, Anna Wangenheim Demokraatimeersuusumit, Siumumit qujavugut.

Ilumoorpoq tarnimikkut napparsimasut innuttaasut akornanni inooqataaqqilernissaannut apeqqut inerisagassaasoq, tassungalu susassaqtut marloqiusaanerat eqqorpoq, tassa pinerluttunik isumaginittuqqarfik suli angerlaannikuunngisarput aammalu maani peqqinnissaqarfiup ataaniippoq, taakkulu tamarmiullutik susassaqarfigalugu.

Aaliangiiffigisassatut siunnersuuteqartup oqaaseqarnermini ersersarparaa "Pinerlussimasut amerlasuut immaqaa inuunermi tamaat tarnikkut innarlerneqarsimasarput, ikiorserneqarnerlu naammaginangitsoq peqqutaalluni peqquserloreernerup kingorna aatsaat paasisarlugu ADHD-qarlutik, Skizofreni imaluunniit tarnikkut nappaataasinnaasut allat pissusimikkut aqutsinnaajunnaarnerannut peqqutaataasunik pinerluuteqarsimasut amerlaqisut tarnimikkut nappaateqartut arlaqartut pinerluuteqartartut", tassunga atatillugu Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliami ilinniartitsisut meeqqat tarnikkut akornutaannik ilinniartitsisut ilisimasaannik nukittorsaanissaq pillugu nunatta atuarfiini pikkorissaatitsisarnissamut periarfissanik Naalackersuisut misissueqqullugit peqquneqassasut aammalu atuarfiup avataani attuumassuteqartut susassaqarfiit suleqatigiinnerinnut qulakkeerneqarnissaa inassutigineqarluni.

Taamaattumik tarnimikkut nappaatillit nunatsinni pitsaasumik sullinneqarnissaat meeraanerinnit suliniutit aallartisarnerit pitsaasuvoq, uungalu qulequttamut aamma tapertaalluni.

Naalackersuisut allannguutissatut siunnersuutaat amigarinarpoq, tassami siunnersuuteqartup ersarissanermigut pineqaatissineqarnikut innutaasunut akuutitsileqqinnissamut suleqatigiittussat suli pitsaanermik suleqatigiinnerulernissaannut aamma tunngamat, taamaattumik Siumumiit taamatut oqaaseqarluta siunnersuut ataatsimiititaliamut susassaqtumut suliareqqinneqarnissaa innersuussutigaarput.

Najaaraq Møller, Siumut